

9. november 2022

Pisariartitsineq aallaavigalugu nunalerinermik ilinniarfimmik pilersitsisoqarnissaanut Naalackersuisut nalunaarusioqquneqarnissaaanik Inatsisartut aalajangiiffigisassaattut siunnersuut. Nalunaarusiaq Narsami Nunalerinermik ilinniarfimmik pilersitsinissamik qulaajaanerusaaq, pingaarnertut imminut pilersorsinnaaneq, nunalerineq aamma nerisassanik tunissassiornermik siunertaqartumik. Nalunaarusiaq Inatsisartut 2023-mi ukiaanerani ataatsimiinneranni agguanneqassaaq.

(Inatsisartunut ilaasortaq, Mariane Paviasen, Inuit Ataqtigiit)

Inuit Ataqtigiit tunuliaqutaralugit Inatsisartuni ilaasortaq Mariane Paviasen siunnersuutaa matumuuna Siumumiik imaattumik oqaaseqarfigissavarput.

Aasaq manna Nunat Avannarliit Killiit Siunnersuisooqatigiivini Upernaviarsummi paasisassarsiorpugut Upernaviarsummiinnittalu kinguningua Naalackersuisunut apeqquteqaateqarpunga, isumaqarama nunalerinikkut ineriartortitsinissaq politikikkut tapersorsorneqarnerusariaqartoq.

Ullumikkut nunalerinermut ilinniartitaanermik nunatsinni soqanngilaq, savaatilinggorniartunut ilinniartitaaneq taamaallaat neqeroorutaammat. Taamaattoq Upernaviarsuk Kalaallit Nunaanni nunalerinermi inuussutissarsiuteqarnikkut ilinniagaqarnermi misileraaffittut atornerqarpoq.

Misileraavimmi nunalerinermi misilittaanerit nunalerinermillu ilinniarnertit aallunneqarput, uumasuuteqarnerup iluani savaateqarneq aningaasaqarnikkut pingaarnertut inissisimavoq.

Immuliortimmik pilersitsinnaanermut pilersaarut aningaasartaliussat amigaatigineqarneri peqqutaallutik kinguartinneqarpoq.

Naatsiiveqarnerup iluani misileraaviup naatsiiviani ilinniarfianilu naatitat assigiinngitsut naatinneqarsinnaanerannik misileraanerit ingerlanneqarput.

Ilinniartut amerlanngitsut, sulisut, pisortaq, ingerlatsinermi aqutsisoq, igasoq kiisalu naasorissaasoq misileraavimmiipput.

Piupput: inuit namminneq kiisalu pisortat naatsiivimmi atorsinnaasaat naasut ukiuni arlariinni piusinnaasut, orpikkat aammalu orpiit, taamakkuartoq pisortat illuutaanni sanaartorfiinilu aningaasaliiniarneq ajornartorsiutaavoq.



Imminut pilersorniarnermi nersutaateqarnermut aningaasatigut taperneqartarnissamut ukiut tamaasa aningaasanut inatsimmi suli aningaasanik illikartitsisoqartarpoq.

Taamaattumik nunalerinermi ilinniarnissaq inuusuttunut soqutiginarsarneqarnissaanut Naalakkersuisut Upernaviarsum atortutigut illoqarniarnikkullu pilersorneqarnerulernissaanik eqqarsaateqarnersut aperissallugit soqutiginarpoq.

Aasaq manna Upernaviarsummeereerlunga naalakkersuisunut apeqquteqarpunga: Maannamut Naalakkersuisut misilittaavittut Upernaviarsum sanaartugaqarnikkut allatigullu atortutigut ullumikkumut naleqqussaarnissaq inuusuttunit nunalerinermi ilinniagaqarnissamut orniginarsaanissaq siunertaralugu eqqarsaatersuuteqarfigineraat.

Naalakkersuisoq akissuteqarpoq, 2021-imi aningaasanut inatsimmi ataatsimut aningaasaliissutinik tamakkiisunik 3 mio. kr.-inik immikkoortitsisoqarnikuusoq Upernaviarsummi illuutit nalunaarsorneqarnissaannut, kiisalu sanaartugassanut pilersaarummik nutaamik suliaqarnissamut. Naatsorsuutigineqarluni Upernaviarsummi sanaartugassanut pilersaarut Naalakkersuisunut 2022-p ingerlanerani tunniunneqassasoq.

Upernaviarsummi savaatilinggorniartarpoq tamakkiisumik nunalerinermut ilinniarfinngortinneqarsinnaanera qanoq anguniarneqarsinnaanersoq pillugu nalunaarusiortoqarnissaa Naalakkersuisunit aallartinneqarsimasoq aasaq apeqquteqaatinni akissutigineqarpoq taamatullu Inuili - Food College Greenland qanoq nutarterneqarsinnaanersoq misissorneqassasoq kiisalu naatsorsuutigineqarluni. Suliniutit misissuinerillu taakku Naalakkersuisunut 2023-mi tunniunneqariissasut Naalakkersuisup akissuteqaammimi oqaatigaa.

Tassa imaappoq Mariane Paviasen siunnersuutaa aasaq apeqquteqaatinnut Naalakkersuisut akissuteqaataat malillugu suliaq aallartereersimavoq ukiullu tulliani tunniunneqassalluni. Tamanna tungavigalugu siunnersuut ilalersinnaanngilarput siunnersuutip ingerlareernera innersuussutigalugu.

Doris J. Jensen, Siumut